



Bilten Saveza općina i gradova Federacije Bosne i Hercegovine



Godina: XVIII

Datum: 30.06.2021.

Broj: 276

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE:

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

ODRŽAN SASTANAK PREDSTAVNIKA SAVEZA OPĆINA I GRADOVA FBiH SA MINISTRICOM FINANSIJA FBiH JELKOM MILIČEVIĆ

Federalna ministrica financija Jelka Miličević sastala se u Sarajevu 22.06.2021. godine s predstavnicima Saveza općina i gradova Federacije Bosne i Hercegovine. Delegaciju Saveza predvodili su predsjednik Predsjedništva Saveza i načelnik Općine Hadžići Hamdo Ejubović te načelnik Općine Ilijaš Akif Fazlić.

Sastanak je održan u svrhu otvaranja dijaloga po pitanju priprema za raspodjelu tekućih i kapitalnih transfera, koje Vlada Federacije dodjeljuje općinama i gradovima, a koji ove godine iznose 30 miliona KM.



Na sastanku je, kroz konstruktivan razgovor između predstavnika Federalnog ministarstva financija i Saveza općina i gradova, sagledana sveukupna finansijska pozicija gradova i općina izazvana posljedicama pandemije koronavirusa, te su razmotreni eventualni kriteriji za dodjelu sredstava, a sve s ciljem što kvalitetnijeg korištenja finansijskih sredstava namijenjenih jedinicama lokalne samouprave, saopćeno je iz Federalnog ministarstva financija.

Predstavnici Saveza izrazili su zahvalnost Federalnom ministarstvu financija i Vladi FBiH na spremnosti da su se, unatoč izazovima i negativnim posljedicama s kojima se suočava i proračun FBiH, iznašle mogućnosti da se finansijski pomogne i jedinicama lokalne samouprave.

FEDERALNA VLADA PRIHVATILA INICIJATIVU ZA DONOŠENJE ZAKONA O GRADU ORAŠJU

Vlada Federacije BiH je, na sjednici održanoj 16.06.2021. godine u Sarajevu prihvatila inicijativu za izradu i donošenje Zakona o Gradu Orašje, koju je podnijela Općina Orašje. Utvrđeno je da Orašje ispunjava uslov da gradom bude proglašeno kao općina u kojoj je sjedište kantona, a u skladu sa Zakonom o principima lokalne samouprave u FBiH. Federalno ministarstvo pravde je određeno da bude nosilac izrade Nacrta zakona o Gradu Orašje.



Orašje

FEDERALNA VLADA IZDVAJA 30 MILIONA KM OPĆINAMA I GRADOVIMA

Vlada Federacije BiH je, na 271. sjednici koja je održana u Sarajevu, 24.06.2021. godine, donijela dvije odluke, ukupno vrijedne 30.000.000 KM, na ime transfera drugim razinama vlasti u FBiH.

Prva odlukom utvrđeni su kriteriji, način i procedura za dodjelu sredstava utvrđenih u Proračunu FBiH za 2021. godinu kroz tekući transferi drugim razinama vlasti, općinama i gradovima, u iznosu od 10.000.000 KM.



Iznos od 30 mil. KM će biti dodjeljen na način da će se 10 mil. KM dodijeliti na principu solidarnosti svim općinama i gradovima u jednakom iznosu od 125.000 KM, a 20 mil. KM namijenjeno je za kapitalne transfere.

Ova sredstva će biti dodijeljena na principu solidarnosti svim općinama i gradovima u jednakom iznosu od 125.000 KM, na ime financijske pomoći proračunu u sanaciji posljedica nastalih uslijed proglašene pandemije COVID-19.

Vlada FBiH će posebnom odlukom utvrditi dinamiku doznačavanja, te način izvješćivanja o utrošenim sredstvima.

Druga odluka odnosi se na utvrđivanje načina i procedura za dodjelu sredstava utvrđenih ovogodišnjim Proračunom FBiH u iznosu od 20.000.000 KM, a namijenjenih za kapitalne transfere općinama i gradovima.

Ova sredstva bit će dodijeljena općinama i gradovima za financiranje ili sufinanciranje projekata, zahtjeva ili inicijativa koje će biti implementirane u jedinicama lokalne samouprave i namijenjena su za nekoliko oblasti.

To su putna infrastruktura (putevi, mostovi, potporni i zaštitni zidovi, kružni tokovi, parkirališta, pješačke i biciklističke staze, sanacija klizišta i sprječavanje erozije), komunalna infrastruktura (vodovod i kanalizacija, javna rasvjeta, energetske i komunikacijske mreže, plinske i niskonaponske mreže), objekti obrazovnog, sportskog i kulturnog karaktera (predškolski i školski objekti, dječja igrališta i igraonice, školsko-sportske dvorane i igrališta).

Obuhvaćeni su i ostali objekti od značaja za jedinice lokalne samouprave, kao što su domovi kulture, društveni domovi, knjižnice, zdravstveni objekti, muzeji i slični objekti društvene namjene, projekti povećanja energetske efikasnosti objekata, fasade, zamjena otvora i krovova, sustavi grijanja i hlađenja, a sredstva mogu biti namijenjena za financiranje i drugih aktivnosti od značaja iz nadležnosti jedinica lokalne samouprave.

Vlada FBiH će, stupanjem na snagu ove odluke, objaviti javni poziv za podnošenje prijava za financiranje i sufinanciranje projekata, zahtjeva i inicijativa. Kriteriji za dodjelu sredstava će biti utvrđeni u tekstu javnog poziva, kojeg će utvrditi Vlada FBiH i koji će biti objavljen na njenoj web stranici i u dnevnim novinama.

PRIHODI LOKALNE RAZINE VLASTI U FBiH SU MANJI ZA 26.633.375 KM

„U prvoj polovini 2020. godine sveukupni prihodi lokalne razine vlasti u FBiH su manji za 26.633.375 KM ili čak 5,91% u odnosu na isto razdoblje 2019. godine”, „Efekt škara je „srezaao“ ukupni suficit lokalne razine vlasti za alarmantnih 42,7%, a ukupni financijski rezultat za 46% u prvoj polovini 2020. godine” - Ovo su samo neki od nalaza Analize utjecaja pandemije koronavirusa na financijsku poziciju jedinica lokalne samouprave u FBiH koja je prezentirana danas, 07.06.2021. godine u Hotelu Europa u Sarajevu u organizaciji Saveza općina i gradova Federacije Bosne i Hercegovine predstavnicima viših razina vlasti i međunarodnim organizacijama.

Analiza pokazuje potrebu za neophodnim osiguravanjem više financijskih sredstava proračunima jedinica lokalne samouprave u FBiH



Sa prezentacije Analize utjecaja pandemije koronavirusa na finansijsku poziciju JLS u FBiH

„Pandemija koronavirusa i uvedene mjere su utjecale na našu svakodnevnicu i način funkcioniranja i poslovanja, a svakako je sve ovo utjecalo i na općine i gradove u FBiH. Sve općine i gradovi su, na svoj način, aktivno sudjelovale u tom procesu, a Savez je kao legitiman predstavnik JLS u punom kapacitetu zastupao stavove općina i gradova za vrijeme stanja nesreće pred višim razinama vlasti. Financije općina i gradova su nezaobilazan faktor uspješnog procesa u općinama i gradovima i kao takav prepoznat je kao jedan od prioriteta djelovanja Saveza. Ova Analiza identifikira trenutno stanje ali i potrebne naredne korake Saveza i nastavak suradnje sa višim razinama vlasti kako bi se na što bezbolniji način prevazišle ekonomske i druge posljedice uzrokovane pandemijom Corona virusa,“ rekla je ovom prilikom Vesna Travljanin, direktorica Saveza općina i gradova Federacije Bosne i Hercegovine.

„Analiza dodatno pokazuje potrebu za neophodnim osiguravanjem više finansijskih sredstava proračunima jedinica lokalne samouprave u FBiH, posebno zbog važnosti uloge općina i gradova u suočavanju s izazovima pandemije, i poslužiti će kao dodatni argument za potrebu jačanja finansijske pozicije lokalne razine vlasti u FBiH putem povećanja udjela općina i gradova u sustavu raspodjele javnih prihoda u FBiH“, rekao je Gregor Jurišić, viši stručni suradnik za finansijska pitanja Saveza.

Izrada Analize podržana je putem projekta Jačanje kapaciteta saveza općina i gradova u BiH, koji financiraju vlade Kraljevine Švedske i Švicarske.

POZIV ZA DOSTAVLJANJE PRIJEDLOGA: KANADSKI FOND ZA LOKALNE INICIJATIVE – BOSNA I HERCEGOVINA

Iznos koji Kanadski fond za lokalne inicijative dodjeljuje putem ovog poziva kreće se između 15,000 i 50,000 CAD\$

Ambasada Kanade u Budimpešti objavila je poziv za dostavljanje prijedloga za Kanadski fond za lokalne inicijative (CFLI). Ovaj poziv se odnosi samo na projekte u Bosni i Hercegovini.

CFLI je program osmišljen za podršku malim i visoko utjecajnim projektima u zemljama u razvoju, koji su u skladu sa tematskim prioritetnim oblastima. Program je usmjeren na projekte koje su osmislili i dizajnirali pretežno lokalni partneri. Projekte bira i odobrava nadležna kanadska ambasada ili visoka komisija. CFLI također djeluje kao podrška pozitivnim bilateralnim odnosima između Kanade i zemalja primalaca i njihovih civilnih društava, kroz produbljivanje kontakata i podršku lokalnim nastojanjima.



Svi projekti moraju biti u skladu sa barem jednim od sljedećih tematskih prioriteta CFLI:

- Rodna ravnopravnost i osnaživanje žena i djevojaka (seksualno i rodno zasnovano nasilje, dječji, rani i prisilni brakovi, spolno sakaćenje; jačanje ženskih organizacija; jačanje kapaciteta i sistema državnih i nedržavnih aktera za unapređivanje rodne ravnopravnosti).
- Inkluzivno upravljanje, uključujući raznolikost, demokratiju, ljudska prava i vladavinu zakona.
- Mir i sigurnost, s fokusom na prevenciju sukoba i izgradnju mira.
- Okoliš i klimatske promjene, s fokusom na prilagodbu i ublažavanje, kao i upravljanje vodama.

Rok za dostavljanje prijedloga je 17. juli 2021. godine.

Na sljedećem linku možete pronaći sve dokumente koji se odnose na javni poziv: <https://bit.ly/2UfO0jz>

Activity supported by the
Canada Fund for Local Initiatives
Activité réalisée avec l'appui du
Fonds canadien d'initiatives locales

Canada

GRAD CAZIN DOBIZNIK OVOGODIŠNJE PLAKETE „ZLATNA TISA“

Grad Cazin je dobitnik ovogodišnje nagrade "ŠAMPIONI ZAŠTITE PRIRODE 2021". Na svečanoj ceremoniji održanoj u povodu obilježavanja Svjetskog dana zaštite okoliša, 04. juna 2021. godine u Sarajevu, plaketu "Zlatna Tisa" u ime Grada Cazina primila je Selma Rošić, stručni savjetnik za energijsku efikasnost i zaštitu okoliša. Nominacija i dodjela ove nagrade u kategoriji općina i gradova za nas znači veliko priznanje i potvrdu da su naše aktivnosti i projekti prepoznati kao primjer pozitivne prakse u oblasti zaštite prirode zbog čega je Grad Cazin prepoznat kao poželjan partner u realizaciji projekata.

"To nam daje još veću motivaciju za dalju realizaciju novih projekata u sektoru energijske efikasnosti, zaštite okoliša i smanjenja negativnog utjecaja klimatskih promjena", istakla je Selma Rošić. Ovogodišnju kampanju takmičenja je realizovao Centar za razvoj i podršku CRP uz podršku Evropske unije u okviru projekta GreenWorks-ZeleniRadovi.



WEB SEMINAR – POVJERENIK ZA MANJINE

Savez općina i gradova Federacije BiH obavještava svoje članice o održavanju web seminara na temu pristupa za unapređenje socijalnih usluga na lokalnom nivou, s posebnim osvrtom na koncept povjerenika za manjine.

Domaćin web seminara je Mreža asocijacija lokalnih vlasti Jugoistočne Evrope (NALAS).

Web seminar će se baviti sljedećim temama:

- Konceptom povjerenika za manjine i njegovim utjecajem na individualni, lokalni i centralni nivo.
- Ulogama različitih zainteresovanih strana u osiguravanju socio-ekonomskih i kulturnih prava za sve građane, kao temelj za postizanje ciljeva održivog razvoja.
- Primjerima dobre prakse iz regiona, za poboljšano učešće i pristup uslugama za manjinske grupe i druge ranjive grupe stanovništva.

DA LI STE **uposlenik općine** spreman za uvođenje koncepta **povjerenika za manjine** za ranjive grupe na lokalnom nivou?

WEB-SEMINAR

Povjerenik za manjine
Model za inkluziju manjina i drugih ugroženih grupa

06. juli 2021. godine
11:00 – 13:00
ZOOM

Regitrujte se ovdje:
https://zoom.us/webinar/register/WN_1yCDikzfSV6p5TxPAUJZNq

Imat ćete priliku da steknete znanja o:

- Konceptu povjerenika za manjine i njegovom utjecaju na individualni, lokalni i centralni nivo
- Ulogama različitih zainteresovanih strana u osiguravanju socio-ekonomskih i kulturnih prava za sve građane, kao temelj za postizanje ciljeva održivog razvoja
- Primjerima dobre prakse iz regiona, za poboljšano učešće i pristup uslugama za manjinske grupe i druge ranjive grupe stanovništva

Razvijeno u okviru projekta "Promocija i proširivanje modela za uključivanje manjina i drugih ranjivih grupa na Zapadnom Balkanu" koji implementira NALAS u saradnji sa Njemačkim društvom za međunarodnu saradnju (GIZ), u ime Njemačkog Federalnog ministarstva za ekonomsku saradnju i razvoj (BMZ) i savezne države Schleswig-Holstein.

Web seminar sastavni je dio NALAS projekta „Promocija i proširivanje modela za inkluziju manjina i drugih ranjivih grupa na zapadnom Balkanu“, koji provode asocijacije lokalnih vlasti i nevladine organizacije sa Zapadnog Balkana

Web seminar će se održati 6. jula 2021. godine s početkom u 11h na ZOOM platformi. Registracija se može izvršiti putem sljedećeg linka: https://zoom.us/webinar/register/WN_1yCDikzfSV6p5TxPAUJZNq

Web seminar će biti održan na engleskom jeziku, uz omogućen simultani prevod na srpski, albanski i makedonski jezik.

Web seminar sastavni je dio NALAS projekta „Promocija i proširivanje modela za inkluziju manjina i drugih ranjivih grupa na zapadnom Balkanu“, koji provode asocijacije lokalnih vlasti i nevladine organizacije sa Zapadnog Balkana, u saradnji sa regionalnim projektom „Socijalna prava za ranjive grupe - SoRi II“.

Regionalni projekt provodi Njemačko društvo za međunarodnu saradnju (GIZ) u ime Federalnog ministarstva za ekonomsku saradnju i razvoj (BMZ), uz posebnu podršku Savezne države Schleswig-Holstein za poboljšanje pristupa različitih manjinskih i ugroženih grupa (naročito Roma) postojećim općinskim uslugama.

Za sve dodatne informacije, molimo Vas da kontaktirate putem maila savez@sogfbih.ba ili telefona 033 216 502.



NAJAVA OBILJEŽAVANJA DANA OPĆINA / GRADOVA ZA MJESEC JULI / SRPANJ

- **08. juli/srpanj - Dan Općine Tomislavgrad.** Naime, tog datuma 1924. godine položen je kamen temeljac za izgradnju Spomen-bazilike u čast 1000. obljetnice krunidbe prvog hrvatskoga kralja Tomislava. Od 1996. godine ovaj dan se obilježava kao Dan Općine Tomislavgrad.

- **20. juli/srpanj - Dan Općine Stolac** koji je određen povodom blagdana sv. Ilije, zaštnika grada Stoca.

- **20. juli/srpanj - Dan Općine Kiseljak.** Ovaj datum ima i historijski značaj s obzirom da se u Povelji Bele IV iz 1244. godine spominje da je ovaj kralj 20.07.1244. godine darivao Crkvu sv. Mihovila u Borini. Budući da je to najstariji dokument u kojem se spominje mjesto koje je u užem središtu Kiseljaka, taj dan se obilježava kao Dan Općine Kiseljak.

- **26. juli/srpanj - Dan Općine Domaljevac-Šamac.** Obilježava se kao Dan općine zato što je 26.07.1996. godine na svečanoj sjednici Općinskog Vijeća Bosanski Šamac donijeta Odluka o utemeljenju nove općine pod nazivom Općina Domaljevac-Šamac.

- **27. juli/srpanj - Dan Općine Drvar.** Obilježava se u spomen na drvarskog župnika Waldemara Maksimilijana Nestora koji je 27. srpnja 1941. mučki ubijen zajedno sa skupinom svojih vjernika koji su se vraćali s hodočašća iz Knina. U sjećanje na taj događaj uspostavljen je „Dan molitvenog sjećanja na mučenike i žrtve Banjolučke biskupije“ kojim se budi sjećanje na sve mučenike i žrtve ratova i totalitarizama XX. st. s područja Banjolučke biskupije.

- **30. juli/srpanj - Dan Općine Glamoč.** Tog datuma 1941. godine prvi put je oslobođena teritorija Glamoča.



Gledajte Savez općina i gradova
Federacije Bosne i Hercegovine na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.